

政和五禮新儀

欽定四庫全書

政和五禮新儀卷一百六十五

嘉禮

天寧節上壽儀

陳設

垂拱殿上壽

紫宸殿上壽

陳設

前期殿中監帥其屬尚舍陳設紫宸殿門之內設御座於殿上當中南向尚醞設御酒尊酒器於御座之東尚食設御茶牀於御座之西俱稍北有司設羣官酒尊酒器於殿下又設羣官座三公三少左輔右弼太宰少宰在御座之東稍南門下中書侍郎尚書左右丞在其東次特進觀文殿大學士三少觀文殿學士資政殿大學士六曹尚書金紫銀青光祿大夫翰林學士承旨翰林學士資政端明殿學士閣學士左右散騎常侍

三少以下稍却

尚書以下
又稍却

次開封尹六曹侍郎直學士次宣奉正奉正

議通奉大夫大司成太子賓客詹事給事中中書舍人

通議大夫左右諫議大夫待制太中大夫太常卿大司

樂宗正卿次廂都指揮使又在其東太子三師在左右

丞之南御史大夫在常侍之南中丞在直學士之南

各少

空

並西向北上親王使相在御座之西稍南

使相
稍却

樞密

在其西次節度使次節度觀察留後觀察使次廂都指

揮使又在其西太尉在樞密之南左右金吾衛左右衛

諸衛上將軍之南

視節度使稍却
副使又稍却

防禦團練使刺史在

廂都指揮使之南

各少空

並東向北上秘書監以下在東

朶殿都虞候在其東夏國進奉使副在其南

少空

並西向

北上外官大將軍以下在西朶殿都虞候在其西高麗

交州進奉使副在其南並東向北上餘並在西廊下隔

門之南

垂拱殿上壽

前期殿中監帥其屬尚舍陳設垂拱殿設御座當中南

向尚醞設御酒尊酒器於御座之東尚食設御茶牀於御座之西俱稍北其日讀奏目官知引進司官知東上

閣門官贊喝引班對立舍人簿書官並覺察失儀提點

使臣於殿庭稍南北向鬪班立六尚局應奉官於東上

閣門官東立

公服係鞵捧尊捧醴尚醞典奉御鞵笏

知內侍省事以下

鞵笏

帶御器械官窄衣並西向立東上閣門附內侍進班齊牌皇帝出守踏道禁衛諸班親從迎駕自贊常起居皇帝御垂拱殿坐鳴鞭讀奏目知引進司官知東上閣門

官以下一班常起居訖復位知東上閤門官升詣御座

前讀奏目

內藥局官一員
對展上壽圖

次知內侍省事以下一班常

起居次舍人贊行門常起居班首奏聖躬萬福復位立
次舍人引樞密以下入就位知同知簽書樞密院事在
儀石之南北向東上知客省事至知西上閤門事在知
樞密院事之東南次簽書客省事至簽書西上閤門事
在其南次閤門通事舍人次閤門祇候次看班祇候又
在其南管勾六尚書官在知西上閤門事之東稍前典

御在其南奉御又在其南通侍中侍中衛左武大夫在
知樞密院事之南稍東武功大夫在其南次武功郎次
敦武郎次從義郎次翰林醫官醫學又在其南中亮拱
衛左武郎在武功大夫之東稍却和安大夫至翰林良
醫在左武大夫之東和安郎至翰林醫正在其南每等
重行異位並北向西上正侍中亮拱衛右武大夫在簋
書樞密院事之南稍西武德大夫在其南次武德郎以
下至武翼郎次修武郎次秉義忠翊保義郎次翰林待

詔藝學又在其南中衛右武郎在右武大夫之西稍却
樞密都承旨在其南次副承旨諸
房逐房副承旨又在其南每等重行異位並北向東上
立定通班起居訖分班樞密以下西向立武功大夫以
下管勾六尚局以下分東西相向立從義郎以下醫官
待詔等先退知引進司官一員讀奏目知東上閤門官
一員奏進壽酒並由東階升殿舍人通教坊使以下贊
再拜奏聖躬萬福又再拜各復祇應位立次看醖人稍

前舍人贊儀拜贊上殿祇候

各分東西詣西階立候進酒升殿

次舍人

引親王入殿庭北向立贊再拜班首奏聖躬萬福舍人

引進奉西入列於親王後酒器擔牀置馬前揖天武躬

奏聖躬萬福進奉馬先出內侍進御茶牀殿侍酌酒訖

知東上閣門官殿上北向躬奏親王某以下進壽酒舍

人揖親王以下躬奏再拜舍人引親王二員由東階升

殿知東上閣門官殿上接引

舍人東階下西向立後準此

詣御座東

北向立尚醞典御奉盤醖訖出笏少立首搢笏授西向

立奉御啟醢親王一員搢笏以酒注於醢訖出笏少立
班首捧詣御座東躬進訖少退虛跪興以盤授典御退
知東上閤門官引降詣舍人接引當殿北向立東上贊

再拜興搢笏跪執進奉表舍人接表

一員在東餘詣親
玉西各搢笏接表

訖出笏置表笏
上以表授引進

知引進司官殿上讀奏目訖退親王以

下俛伏興躬舍人贊再拜舍人引班首升東階餘殿下
分立知東上閤門官接引詣御座東北向搢笏尚醢典
御授盤醢班首搢笏捧詣御座東西向立奏樂皇帝飲

訖班首躬接醖少退虛跪興以盤醖授典御出笏階下

親王北向立知東上閣門官引親王降階舍人接引復

位北向立贊再拜躬知引進司官詣折檻東西向宣曰

進奉收贊再拜舞蹈又再拜訖西出

親王以下赴紫宸殿立班

知引

進司官宣進奉出天武進奉以出

知東上閣門官退復殿上侍立位後准此

教坊使贊送御酒又再拜教坊致語訖贊再拜退次舍

人引知樞密院以下橫行引進奉西入列於班後酒後

擔牀置馬前舍人揖天武躬奏聖躬萬福進奉馬先出

東上閣門官殿上北向躬奏知樞密院姓名以下進壽
酒舍人揖樞密以下躬贊再拜舍人引班首由東階升
殿知東上閣門官殿上接引詣御座東北向立尚醢典
御授盤醢班首搢笏捧受西向立奉御啓醢奉御以酒
注於醢班首捧詣御座東躬進訖少退虛跪興以盤授
典御退知東上閣門官引降階舍人接引復位贊再拜
餘官分東西序立樞院官搢笏跪執進奉表舍人接表
如上儀知引進司官殿上讀奏目訖退知樞密院以下

俛伏興躬舍人贊再拜舍人引班首升東階餘官殿下
分立知東上閤門官引詣御座東北向搢笏尚醞典御
授盤捧詣御座東西向立奏樂皇帝飲訖班首躬接醴
少退虛跪興以盤醴授典御出笏殿下立班官橫行北

向立知東上閤門官引班首降階舍人接引復位北向

立贊再拜舞蹈再拜

非進奉
官先退

知引進司官以下復侍立

位舍人揖樞密躬知引進司官詣折檻東西向宣曰進
奉收贊再拜舞蹈又再拜知樞密院官升東階北上西

向侍立知引進司官宣進奉出天武舉進奉以出教坊
使贊送御酒人再拜教坊致語訖贊再拜退次舍人引
管軍觀察使以上常起居引進奉西入列於後酒器擔
牀置馬前舍人揖天武躬奏聖躬萬福進奉馬先出知
東上閣門殿上北向躬奏班首姓名以下進壽酒舍人
揖管軍臣僚躬贊再拜舍人引班首由東階升殿知東
上閣門官殿上接引詣御座東北向立尚醞典御授盤
醖班首搢笏捧受西向立奉御啟醖奉御以酒注於醖

班首捧詣御座東躬進訖少退虛跪興以盤授典御退
知東上閣門官引降階舍人接引復位贊再拜興各搢
笏跪執表舍人接受表如上儀知引進司官殿上讀奏
目訖退班首以下俛伏興躬舍人贊再拜舍人引班首
升東階殿下分立

樞密降階東出
赴紫宸殿侍立

知東上閣門官接引

詣御座東北向搢笏尚醞典御接授盤醖捧詣御座東
西向立奏樂皇帝飲訖班首躬接醖少退虛跪興以盤
醖受典御出笏殿下官合班知東上閣門官引班首降階

舍人接引復位北面立贊再拜躬知引進司官詣折檻
東西向宣曰進奉收贊再拜舞蹈又再拜揖西出知引
進司官又宣進奉出天武舉進奉以出教坊使贊送御
酒人再拜內侍舉御茶牀舍人贊教坊使以下謝祇應
再拜訖知東上閣門官側奏無事皇帝降座鳴鞭赴紫
宸殿後閣以俟受羣臣上壽如別儀

紫宸殿上壽

其日質明三公以下文武百僚並赴紫宸殿門外就次